

CONVENIO DE COLABORACIÓN ENTRE A ASOCIACIÓN CULTURA CARBALLO DA MANTEIGA E O CONCELLO DE LALÍN PARA A REALIZACIÓN DE ACTIVIDADES E GASTOS DE FUNCIONAMENTO.

REUNIDOS:

- Dunha banda, Da. Begona Blanco Blanco, con DNI.: 44089922-A, actuando en nome e representacion do **Concello de Lalín** en calidade de Concelleira Delegada de Cultura de acordo coas atribucións que ten delegadas da Alcaldía por decreto de data 25 de xuno de 2019 (BOP no 129 de 8 de xullo),

-E doutra, D./Da. J^a Ramón Vilela Giráldez, con DNI.:35439228T en calidade de Presidente/a da **ASOCIACIÓN CULTURA CARBALLO DA MANTEIGA**, con CIF.:G-94128642, e domicilio fiscal na rúa Pintor Colmeiro n.º 4 36500 Lalín (Pontevedra); que actua no nome e en representacion da devandita asociacion, segundo as facultades que lle outorgan os seus estatutos, vixentes a día de hoxe.


EXPOÑEN:



Que o Concello de Lalin, ao abeiro das competencias que lle outorga a normativa vixente, segundo o artigo 25.2.m da lei 7/1985, de 2 de abril. Reguladora das Bases de Rexime Local, modificada pola Lei 27/2013, de 27 de decembro, de racionalizacion e sostibilidade da Administracion Local, que indica que "o Concello ten competencias propias en materia de promoción da cultura e equipamentos culturais" e, atendendo ao interese da actividade do que e obxecto o presente convenio, dotou a aplicacion 2020.0334.489.01 do Orzamento municipal para o exercicio en curso, cunha subvencion nominativa a Asociación Cultural Carballo da Manteiga por importe de 6.000 € para colaborar economicamente cos gastos nos que incorre a Banda no desenvolvemento das suas actividades e no seu funcionamento.

A tal fin, as partes asinan o presente Convenio de Colaboracion segundo as seguintes, **CLÁUSULAS:**

PRIMEIRA.- O obxecto do presente Convenio e regular as bases de colaboracion entre o Concello de Lalin e a Asociación Cultural Carballo da Manteiga para colaborar economicamente cos gastos nos que incorre a Banda no desenvolvemento das suas actividades e no seu funcionamento.



Concello de Lalín

SEGUNDA.- As obrigas xerais derivadas da aplicacion da normativa de axudas e subvencions estan establecidas en:

- Lei 38/2003, de 17 de novembro, Xeral de Subvencions.
- Lei 9/2007, do 13 de xuno, de Subvencions de Galicia.
- Bases de execucion do orzamento do Concello de Lalín para o ano 2019, prorrogado para 2020.

TERCEIRA.- Son gastos subvencionables aqueles nos que incorra a Banda durante o periodo comprendido entre o 1 de xaneiro e o 30 de novembro de 2020, polos seguintes conceptos:

- Gastos de persoal do director e do profesorado (salario e gastos de seguridade Social)
- Desprazamentos con motivo do desenvolvemento da súa actividade (alugueiro de vehiculos).
- Alugueiro e reparacion de instrumentos.
- Gastos de vestiario.
- Organizacion de campamentos, cursos, seminarios e/ou outras actividades de caracter formativo ou cultural, sempre que por eles a entidade non perciba contraprestacion economica pola súa participacion neles.
- Gastos de publicidade.

CUARTA.- Así mesmo, a través do presente convenio as partes comprométense a desenvolver un programa de actuacións conxuntas, que consistiran en:

- **Cinco actuacións anuais** no noso concello (pasarrúas da Feira do Cocido, serán das Letras Galegas, Pasarrúas na cabalgata e dúas inauguracións ou eventos que se concretarán con concello o longo do ano). No caso de non poder celebrarse algunha destas actividades, poderan substituírse por outras previamente consensuado entre ambas partes.

QUINTA.- A Asociación Cultural Carballo da Manteiga **obrígase** a:

- a) O cumprimento de xeito gratuito para o Concello de Lalín das actuacións recollidas na Clausula Cuarta.
- b) Facer constar en todo tipo de **publicidade e información** que se realice no desenvolvemento da súa actividade a participacion e **colaboración do Concello de Lalín**.
- c) Facilitar toda a informacion que lle sexa requirida dende o Concello de Lalín e/ou polo Tribunal de Contas e Consello de Contas, no exercicio das súas funcións de fiscalizacion e control do destino das axudas obxecto do presente convenio.

SEXTA.- En virtude deste convenio o **Concello de Lalín aportará unha subvención nominativa de 6.000 €** para colaborar nos gastos indicados na Clausula Terceira.

A cantidade a financiar polo Concello de Lalín librarase logo de que a

Concello de Lalín

Asociación Cultural Carballo da Manteiga presenta a documentación xustificativa á que se refire a cláusula 7ª unha vez aprobada a xustificación polo órgano competente do Concello.

SÉPTIMA.- A Asociación Cultural Carballo da Manteiga debera aportar a seguinte documentación os efectos da súa **xustificación antes do 30 de novembro de 2020:**

1.- Unha memoria da totalidade das actividades subvencionadas realizadas durante o período subvencionable.

2.- Orzamento detallado de ingresos e gastos das actividades subvencionadas.

3.- Conta xustificativa dos gastos subvencionables nas que se recollera a relación de facturas con identificación de acredor, CIF, número da factura, data de expedición, importe e data de pagamento.

4.- Facturas orixinais (con todos os requisitos esixidos polo R.D 1619/ 2012 de 30 de novembro) ou documentos de valor probatorio equivalente no tráfico xurídico mercantil ou con eficacia administrativa polo importe total do gasto subvencionable, ao abeiro do establecido no artigo 30.3) da Lei 38/2003 de 17 de novembro (Lei xeral de subvencións e o seu Regulamento).

◦ Deberan ser orixinais, expedidos pola empresa subministradora dos bens ou servizos. Admitiranse copias compulsadas polo propio Concello, non obstante antes de realizar as fotocopias e compulsas das mesmas estamparase nos xustificantes orixinais un selo coa seguinte lenda: "En cumprimento da Lei 38/03 esta factura foi utilizada como xustificante do gasto para a obtención da subvención de colaboración nas actividades da Asociación Cultural Carballo da Manteiga.

◦ Asumirase o compromiso de aportar os orixinais no momento que lle sexan requiridos.

◦ A factura debera vir especificada en moeda local e recoller a data de emisión da factura.

◦ Debera constar na factura unha explicación do gasto. Se, a criterio do Concello o xustificante non é o suficientemente claro neste aspecto, debera vir acompañado de nota explicativa da que se deduxa unha clara relación do gasto coa actividade subvencionada.

◦ Contera os datos identificativos do expedidor (nome, apelidos, denominación ou razón social, NIF e domicilio).

◦ Contera os datos identificativos do destinatario que debera ser a entidade subvencionada (nome, apelidos, denominación ou razón social, NIF e domicilio).

◦ Incluíra unha descrición detallada e prezo unitario da operación e o seu custe total, importe pagado e moeda. Debera detallarse o IVE correspondente ou imposto equivalente para o seu caso, que estea en vigor no país de emisión da factura. Cando a cota se repercute dentro do prezo debera indicarse "IVE incluído".

5.- Xustificantes de pago das facturas ou documentos de valor probatorio

Concello de Lalín



equivalente no tráfico xurídico mercantil utilizados para a xustificación. So se admitiran os pagos realizados mediante transferencia bancaria ou cheque, polo que as facturas deberán acompañarse do correspondente xustificante de dita transferencia ou pago por cheque.

- No caso de pagos por importe igual ou inferior a 200 euros admitirase o pago en metálico sempre e cando se faga constar na factura o selo do proveedor, a dilixencia de factura pagada e o nome, DNI e sinatura da persoa que dilixencie o cobro da mesma e, no caso do pagamento por cheque: extracto bancario e copia da matriz do talon.

- No caso de que as facturas se lles aplique retención de IRPF deberán aportar ademais Modelo 111 de retencións e ingresos a conta.

- No caso de pagos en metálico, corresponde o Concello comprobar a xustificación dese medio de pago que se fara constar en informe xustificativo no que se acredite que o pago mediante transferencia ou cheque suporía unha carga desproporcionada para o beneficiario tendo en conta a finalidade da subvención e a natureza do gasto.

Atenderase para facer ese informe de forma prioritaria a contía do pago. De non xustificarse ese pago en metálico, entenderase non xustificada esa contía do gasto.

6.- Aos efectos da xustificación dos gastos de persoal deberán aportar as nominas acompañadas das transferencias bancarias do pago das mesmas, xunto cos recibos de liquidación de cotizacións da Seguridade Social (TC1) e a relación nominal de traballadores (TC2).

7.- No caso de que a subvención se destine a financiar unha subministración ou servizo de máis de 15.000,00 € sen IVE, teranse que achegar tres orzamentos, agas as excepcións do artigo 31.3 da LXS (non será preciso solicitar tres orzamentos se para o gasto, polas súas especiais características, non exista no mercado suficiente número de entidades que os realicen, presten ou subministren ou, salvo que o gasto se realizara con anterioridade a concesión da subvención).

8.- Declaración xurada sobre a obtención de axudas para a mesma finalidade procedentes de calquera outra administración pública ou de particulares ou de entidades privadas tanto aprobadas como pendentes de resolución.

9.- Designación de conta bancaria na que se efectuara o ingreso da subvención.

10.- Certificación de estar o corrente no cumprimento das súas obrigas coa Axencia Tributaria, a Tesourería Xeral da Seguridade Social, a Axencia Tributaria de Galicia. Así mesmo comprobarase que se atopa ao corrente cos obrigas co Concello de Lalín.

11.- Declaración xurada expedida polo/a Presidente/a relativa o desenvolvemento das actividades polo que se acredite que a subvención foi destinada a finalidade para a que foi concedida.



CONCELLO DE LALÍN
www.lalin.gal

12.- Mostras da publicidade realiza nas que figure o logo do Concello de Lalín como entidade colaboradora.

OITAVA.- O gasto xustificado documentalmente debera acadar, como mínimo o importe a que ascende a subvención nominativa ou, no seu caso, a suma total das subvencións obtidas para as mesmas actividades. De non xustificarse o total do importe concedido, o Concello de Lalín minorará a súa achega proporcionalmente.

NOVENA.- Co fin de asegurar un adecuado control e seguimento do obxecto, actuacións, contido e execución do presente Convenio, poderá constituírse unha Comisión de Seguimento con funcións para a interpretación e coordinación das obrigacións e dereitos derivados da subscripción do mesmo, previo informe favorable da Intervención e a Secretaría municipal. Dita Comisión, estará integrada por dous representantes de cada unha das partes asinantes.

DÉCIMA.- Son causas de reintegro da subvención, xunto cos intereses de demora correspondentes dende o momento do seu pago, as establecidas no Título II da Lei 38/2003, do 17 de novembro, Xeral de Subvencións.

DÉCIMO PRIMEIRA.- A Asociación Cultural Carballo da Manteiga quedará sometida ás responsabilidades e rexime sancionador establecidos na Lei Xeral de Subvencións e na Lei Xeral Orzamentaria.

DÉCIMO SEGUNDA.- Para os supostos non previstos neste convenio, serán de aplicación as normas incluídas nas Bases de Execución do Orzamento do Concello de Lalín para o exercicio 2019, prorrogadas no 2020, na Lei 38/2003, do 17 de novembro Xeral de Subvencións e no seu regulamento e, na Lei 9/2007, de 13 de xuno de Subvencións de Galicia.

DÉCIMO TERCEIRA.- As cuestións litixiosas xurídicas da aplicación do presente convenio non resoltas en vía administrativa, serán resoltas pola Xurisdición Contencioso Administrativo.

DÉCIMO CUARTA.- O presente convenio resolverase polo incumprimento total ou parcial dalgunha das cláusulas que o regulan.

DÉCIMO QUINTA.- O presente convenio poderá ser modificado por acordo das partes.

Concello de Lalín

Praza de Galicia, 1, Lalín. 36500 (Pontevedra). Tfno. 986787060. Fax: 986780638



CONCELLO DE LALÍN
www.lalin.gal

DÉCIMO SEXTA.- O periodo de vixencia deste convenio sera dende o dia da
sua sinatura ata o 31 de decembro de 2020.

Lido polas partes e coma proba de conformidade co expresado no presente
convenio, asinano por triplicado exemplar, en,

Lalín a 24 de SEPTEMBRO de 2020



Polo Concello de Lalín
A Concelleira de Cultura
Dña. Begona Blanco Blanco

Pola Asoc. Cultural Carballo da Manteiga
O Presidente
D. Jº Ramón Vilela Giráldez

